



天承運 奉

皇帝制曰求治在親民之吏端重循良
教忠勵資敬之忱聿隆褒獎爾邑庠
生胡公陳乃雲南永昌府永平縣知
縣胡正笏之父禔躬淳厚垂訓端嚴
業可開先式穀乃宣猷之本澤堪啟
後貽謀裕作牧之方茲以覃恩贈爾





爲文林郎雲南永昌府永平縣知縣
錫之勅命於戲克承清白之風嘉茲
報政用慰顯揚之志昭乃遺謨
制曰朝廷重民社之司功惟循吏臣子
凜冰淵之操教本慈幃爾雲南永昌
府永平縣知縣胡正笏之嫡母謝氏
淑慎其儀柔嘉維則宣訓詞於朝夕
不忘育子之勤集慶澤於門閭式被



自天之寵茲以覃恩贈爾為太孺人
於戲仰酬顧復之恩勉思撫字載煥
絲綸之色永賁幽潛


制曰聞儀濟美既並播其芳聲策命揚
休宜切沾乎渥澤爾雲南永昌府永
平縣知縣胡正笏之繼母周氏毓英
名闕儷德高門琴瑟調在御之和令
謨夙著機杼婉閨中之美慈訓攸昭





奉直大夫盛京刑部主事錫之誥命
於戲薄籛金而示誨世澤常延錫鞶
帶以加榮天休勿替

制曰官學方成讀父書而繼業愛勞交
脩稟母訓以揚名爾盛京刑部主事
加一級紀錄六次胡正笏之嫡母謝
氏克樹芳型尤多慈教著承筐之雅
範早知率禮無愆寓徙宅之深心果



行茲以覃恩贈爾爲太宜人於戲綠
絲修潔以形淑慎之風彤管清華永
荷榮皇之澤


命 誥

乾隆二年三月初六日

之 寶


天承運 奉

皇帝制曰民中是協爰推執法於陪京
邦禁攸司特重匡襄於寮屬爾甲午
科舉人盛京刑部清吏司主事加一
級紀錄六次胡正笏居心平恕秉性
慈祥佐理五刑欽恤必稽於典構員
三輔明允克副其稱茲以覃恩授爾



爲奉直大夫錫之誥命於戲疑輕疑
重已昭折獄之能勿二勿三益廣好
生之德

制曰臣心恪慎著懋績於周行婦職修
明樹令儀於中閫爰頒慶典俾荷榮
褒爾盛京刑部主事加一級紀錄六
次胡正笏之妻趙氏茂族含芳名門
作儷素風自矢克敦圖史之型箔節



相規無改縞綦之度茲以覃恩封爾
為宜人於戲表從夫之大義翟弟承
恩沛逮下之深仁魚軒被寵祇承休
命益劬嘉名

誥 命

乾隆二年三月初六日

之 寶

續修譜序

家之弓譜也援貴胄以張

大其本源則僭託名賢以

煇燿其門第則誣是皆忘

分而不明於宗法者吾族

難推原於父定公而寔

以 德祥公為來楚之始
 祖即別子為祖繼別為宗
 之義毫無所旁借且自
 始祖德祥公下而遞之
 十二傳原之孝之前人之
 紀載備矣惟十三代以後

名字有未登舊版者因上
而溯之於十代祖標其系
出朗若列眉此續修之所
為綱舉而目張也原夫舊
譜之修乃吾
敬亭祖以滇南宰擢陞

衡 抄 步 古 上 龍 不 方 言

盛京刑曹

誥授奉直大夫仰體

聖訓 篤宗族以昭雍睦念一本

之愛莫先於建祠於雍正

九年 公未歸也早倦

於是郵書族長而望構成

今上

先靈安焉迨

御極之四年

予告棘里即於癸亥歲倡修

譜牒命伯父仲營公董

其事一時之勸踴躍者

族多偉人閱三寒暑乃成

雖襲顯隆祖遺譜之舊
籍伏思其籍當明社將屋
屨遭兵燹幾為灰燼瑣尾
流離不去其鄉者殆寡守
殘編於剝蝕尋墜緒之茫
茫百餘年後起而彙輯之

詳辨之敬宗有道牧族与
義昭穆与序親疎有等彬
彬如也噫其所纂盖極難
耳今則累洽重熙久享太
平之福而食德服疇生齒
繁衍分布羅列於湘衡兩

邑間者凡數千丁支分派
別漸且秦肥越瘠視若途
人則續修之舉敢曰易而
漫視之哉慎擇老成練達
矢念勿欺者為之掌修暨
副修校閱姪兄弟雍之從

事懋不敏從旁與叅校知
於失人成範不妄增刪常
懷昔無良與今蓋夙
功令昭彰更加詳慎一字
不敢僭一語不容誣祇為
生者紀其序歿者錄其塋

分合制又宜繼撫昭其辨
係垂若珠聯璧合圖繪儼
水秀山秀而好汾陽冒令
狼昔無是弊今益用凜
而不敢假易也幸賴祖
靈之濯以默啓世澤以繩

繩有明以來三修鄭重煥
然弓日新之象先民有作
所以體

聖天子敦序茂寔之至意諒亦

同揆以是授之梓而垂不
朽也信矣是為序


衡抄步古上...

乾

隆六十年乙卯歲仲春月

穀旦

十三代孫心懋謹撰



續修目錄

觀兼士卷一

憲大夫

聖王

前

觀

兼

士

卷一

敬亭祖乞言自序

觀兼士

鴻臚寺

正卿

吳大人

原序

原序

原序

原序

孟邑侯原序

刺

刺

刺

刺

刺

刺

賜進士出身文林郎陝西鎮安縣知縣聶諱燾先

生原序

生

原

序

序

序

序

中憲大夫前大理寺左少卿張諱璨先生

觀兼士

原序

原

序

序

序

序

序



賜進士出身奉政大夫翰林院檢討李諱天龍先

中生原叙

前大野吉士少陳知書來表主

奉政大夫翰林院庶吉士張諱瑗先生原

賜進士出身序

文林海翅西魁文淵賦繼弄翰

戶部左侍郎陳諱樹萱先生原序

賜進士第文林郎江西東鄉縣知縣潘諱世曉先

生原序

音自取

賜進士第中憲大夫歷任江南驛監巡道按察使

司副使張諱九鈞先生原序

賜進士出身翰林院編修內充

武英殿供奉兼

實錄館禮書館纂修加一級張諱九鎰先生原序

以上同鄉官敘均刊老譜茲不重鐫

四代顯祖自叙

續修譜序

衡邑聶閑有先生原跋

原刻先儒修譜辨論

四代顯祖十勸

敬亭祖修譜約言

四代顯祖修譜凡例

老譜凡例

續修凡例

敬亭祖履歷奏摺

行派引

敬亭祖長生譜引

敬亭祖如生譜引

老譜撫房引

敬亭祖義畝田貫塘房序

仲營祖倡修宗祠傳約

修建宗祠捐數碑

修建宗祠用數碑

老譜祠堂全圖

老譜祠堂圖說

原刻祠規

敬亭祖務本堂說

原刻翰林院編脩蔡諱揚宗先生祠堂記

卷二

闔族歷代垂絲圖

撫房垂絲圖

卷三

始祖並昌祖允祖昱祖昇祖四房齒錄

卷四

闔族本紹胡興一五派齒錄

卷五

勝祖房國派以下齒錄

卷六

顯祖本信房國派以下齒錄

卷七

顯祖本榮房國派以下齒錄

卷八

顯祖本富房國派以下齒錄

卷九

顯祖本源本雄兩房國派以下齒錄

漢祖房國派以下齒錄

卷十

震祖房國派以下齒錄

興祖房國派以下齒錄

卷十一

闔族撫房齒錄

卷十二

闔族墓圖

卷十三

輪年辦祭老當年五班後修寢室增新當

年捐數併用數

續修各房丁銀數

當年引

祭器引

祠田及各房墓田

老譜合同

各房合約

分龍菴碑文

一躍祖墓誌

楊宜人傳

四款

祭風錄

新增當年

墓田引

家墓畝數

方文祖祭田記

觀音菴碑文

山塘記

弱生祖傳

均可祖傳

敬亭祖事畧

敬亭祖壽文三篇

敬亭祖趙宜人雙壽文

趙宜人行述

達然祖傳

用九祖夫婦傳

栢山祖壽序

馬孺人壽贊

泰菴祖傳

領譜字號

卷十四

祭祠記

祭祠禮

對聯

四禮

敬亭祖乞言自叙

笏族之有譜也自來楚之四代祖顯隆公修於明成
化二十二年丙午歲厥後屢遭兵燹僅存簡端數篇
內載系出文定公之苗裔至德祥公自閩遷充自充
遷楚二代至道權道衡二公始制田業卜居湘邑十
都拘柴頰衡山橋由是繼繼承之族姓繁衍故今茲
之重脩以德祥公為來楚之始祖而德祥公以上以

文定公為始祖遵舊譜不敢沒也歷代以來世守忠厚人務耕鑿傳至叔祖春濤公諱一躍暨笏祖均顯公諱一勲始奮志青箱蜚聲黌序各房繼起遊成均食廩餼登科第者代有聞人皆克自振拔以期不負所學及先君子以髫年補弟子員八赴棘闈屢試前列不遇廩缺遂補增生而數竒不偶以諸生終年五十始得笏兄弟課讀無虛日康熙甲午歲笏倖獲

鄉薦而大人已仙遊十年嘗惓惓於宗祠未建譜牒未修為生平遺恨今值昇平

盛世時和年豐賴諸父昆弟合族之力於雍正十一年捐修祠宇氣象一新列祖之神以妥以侑先君之志已半遂矣因於祭祀之餘復議修譜各房長踴躍從事即以祠田所入辦理工貲如有不敷始議捐助於是發親供踏叩墓分支派別親踈逐一查對

遺者補之訛者正之似者闕之同宗應繼者註之出
撫異姓者歸之假冒者逐之數易寒暑幾費筆墨而
譜始成謹考其源流詳其規制敢以質之

先達名賢至親密友壇長先生之前賜以弁言用垂
不朽匪獨家門之光亦以慰先君子未逮之志拜
手稽首而為之叙云

乾隆六十年乙卯歲仲春月穀旦務本堂重刊

原叙

憶昔雍正十一年余奉

命視學滇南試永昌道經永平都人

士咸嘖嘖稱縣令胡公清廉德
政及抵郡胡公已奉調監理考

德
授
命
以
例
行
取
其
非
百
里
才
也
迨
乾
隆
元
年
果
塲
共
事
一
月
咸
井
井
有
條
已
卜

盛京刑部主政余亦以報滿陞

授奉天府尹復同仕一方互相贊助

公以長才辦部務平反大獄稱
明允焉嘗與余言每惓惓於宗
祠雖建譜牒未修為生平恨事
余又以卜公立政之有本矣甲
子冬以書來京師謂譜將告成

乞余一言以弁其首余竊觀世
之卓然修家政者他務是急而
於尊祖敬宗收族之大義闕焉
不講胡公閱寒暑考支派勤書
寫選材料倡率一家之賢而多

才者共勦盛舉是薦一己之仁
孝而合一族之人共篤其仁孝
其用心之篤且大為何如哉余
雖謏劣其敢以不文謝哉今讀
其乞言一篇以文定為始祖而

以德祥為來楚之始祖至道權
道衡二公始卜居潭邑之物柴
嶺距今四百餘年傳十數世一
展卷而昭穆有序長幼有別吉
凶慶弔有禮則其孝思之所積

以至千百年而無窮者咸於茲
譜決之矣往者余兄弟塋先君
於鄉之南是夕有烏烏雲集鳴
繞邱木如泣如訴鄉人以為孝
感所至即於其側建一亭名義

烏亭湘潭恪勤陳公祖聞之作
文以紀其事勒之貞砥感激不
忘今胡公建祠之後繼以修譜
合一族之仁孝以為感召焉知
不有竒祥異瑞以肇昌熾於繼

繼承者余將竊取恪勤公意
執筆待紀其後焉既書以復胡
公而并以為諸族人預慶也是

為序

昔

乾隆十年歲次乙丑桂月

賜進士第通議大夫鴻臚寺正卿前

奉天府府尹

日講官起居注翰林院侍讀學士

欽命山東祭告充

世宗憲皇帝實錄館纂修官稽察宗學

丙辰科河南鄉試正主考翰林

院侍讀左春坊左中允提督雲

南全省學政充


聖祖仁皇帝實錄纂修官

上諭館校閱官

大清一統志纂修翰林院編修

御試第一翰林院庶吉士年家眷寅

弟吳應枚頓首拜撰并書



命承乏潭邑之二年單騎至鄉

余奉

督治民間溝澮路經十都
地名物柴嶺衡山橋見有
巍然而起侖真維新者里

命
民曰此胡氏家祠也僕夫
告瘁請入廟少憇聞少俊
讀書聲出見即余縣試所
拔第四名文童胡心廣暨
前列之心悅順德等進退

雍容執弟子禮甚恭又有
負版而前從事剗剗者余
詢之始知其為胡氏闔族
家譜茲復重修以綿奕葉
乞余數言以弁其首余曰

善哉今之為人作序者讀
其詞未必履其地履其地
未必接其人今余適然而
履其地接其人且有文字
一日之知則其不能已於

言也固宜觀其自序發源
於宋文定公至德祥公自
閩遷充自充遷楚為萬戶
長而道權道衡二公始居
此地閱今四百餘年傳世

凡十七世其間科甲聯蟬
蜚聲膠序者代有聞人其
山水清以秀林木茂以美
環祠而居者其父老子弟
淳龐而敦固相與徘徊嘆

息益信胡氏之祖功宗德
所貽留者厚且遠也書曰
人人親其親長其長而天
下平由一家以推之一邑
由一邑以至於天下於以

成熙皞之治為

聖朝勩萬年有道之長者端

必由此心廣之祖為

盛京刑部主政于朝先生致任

以來杜門課讀曾不得望

見顏色余既高其品益喋
其承先啟後續文定公之
家聲於勿替也因援筆以
紀其盛云
乾隆十年仲冬月
穀旦

題

衡州古今上系作左言

賜進士出身文林郎知湖南長

沙府湘潭縣事加三級紀

錄三次年家眷弟孟澤新

頓首拜誤



四代顯祖修譜自序

頂天立地繼世思宗立族譜以作準繩序昭穆不
忘本也人稟天地之性居覆載之間全賴生成養
育可不念及木本水源乎顯等切念祖功宗德之
盛痛思屢世播遷之勞若不設立族譜歷代相承
則家世源流必至茫無可考吾邇先世始於
胡康侯公諱安國謚文定之苗裔也緣因征調甚
繁嗣續日異初生于閩再徙於兗三徙於茶陵嚴
和寨不無錯亂失緒者據誌云卽今縣西南一百

一十里之流葉橋是也公遂葬於此有封樹焉勒
石碑曰宋胡文定公墓長子致堂諱寅次子茆堂
諱寧三子五峯諱宏姑記所知大畧成譜以備查
考後人烏可忽諸

乾隆六十年乙卯歲仲春月穀旦務本堂重刊

衡邑聶閑有先生原跋
開搆柴者誰胡公德祥也譜搆柴者誰四代顯隆
公也譜失與族人續修者誰今奉直大夫告致歸
田敬亭先生也先生承其先贈公之學文章德量
經濟出處有曜於時顯矣聶子序譜翻覆德祥從
朔也微顯闡幽之義也雖然亦有不可概微者蓋
讀先生所自爲序而有味乎其言焉吾楚杜于皇
先正之論曰風俗之敝也士大夫交遊滿天下而
或不識其族人文章滿天下而或不及其高曾予

嘗誦其語以自警抑復別有怪者交遊滿天下卽
通譜於交遊中姓同而貴顯之人狄棐蔡嶷遍地
皆是其爲可耻不待言矣若乃文章及高會而高
會反因文章以晦是自欺其高會而無以爲來者
勸也大抵高會而上風質淳厚衣冠笑語動循古
處后之人厭其樸且陋也爲之彫琢瓌辭粧點風
雅陸海潘江相望册書以爲吾家文章自上世以
來如此矣至於勤儉質實之事則深諱不肯言謂
此何預文章事且吾旣能文章矣而不以文章潤

色祖若宗可乎吾能以文章潤色祖若宗而祖若宗不且曰予有後足掩拙乎嗚呼是陽爲表彰前人陰則菲薄前人也是劉宋世祖之所以訕笑先帝後梁朱溫之所以誇耀母前也文章之道如是乎哉世之以文章及高會者有不如是乎哉且夫譜牒之興雖緣於季世然千古以來善譜祖德者宜莫過於周公豳風無逸諸篇述先世創造之艱力作之苦勤也懇也能使嗣王之業業而安者瞿然覺蹶然起焉故曰辭尚體要又曰訓辭深厚後

之立言君子思以文章及古先當以周公爲法始
爲不誣茲讀先生所自序曰歷代以來世守忠厚
人務耕鑿味其言上合經訓矣其諸幽風無逸之
遺意乎先生系出安定碧泉隱山文定公祠墓歸
然經學相沿流風不墜固然而吾鄉風氣近尙浮
華湘潭地雜五方商賈所集敬桑梓者有從先進
之望焉誠得鄉先生之篤論而服膺之則高曾矩
矱比戶戶祝風俗之成坐進於古不難矣豈直一
家譜牒之私談已哉故因前說之所未竟而廣其

言時乙丑十月二十日年家眷世姪環溪聶燾拜
撰

乾隆六十年乙卯歲仲春月穀旦務本堂重刊

薛劉六十平心眼戴吟春凡蝶旦標本堂重氏

巽

言報心丘十凡二十日半寒春升對巽為轟齋我

先儒修譜辨論

子程子曰宗法廢壞譜牒尙有遺風譜牒壞人家亦壞蓋世不易有家骨肉無統雖至親亦薄故譜不可不修
羅一峯先生曰自家法廢而後譜學興明其本之所自出所以尊七別其枝之所由分所以親七尊尊親七之道盡而族之本立矣
白崖彭氏曰譜之保姓受氏也天子賜之司商協之立宗法以聯屬之而後忠義之教成朝廷之勢

尊天下之家正保族者保天下之道也天下各保
其族而天下治矣補抄受其世天下千觀之何而
黃山谷曰世之爲族者無有譜則失其所從也考
其所由分世日益遠族日益繁必不至於不相維
繫而昭穆之辨清矣其本之
歐陽修曰族之爲言簇也尚夫繁而有別姓之爲
言生也以此爲祖父之相生氏之爲言示也示其
所分自姓統氏分之別變而支派日已紊矣大宗
小宗之法廢而族屬亦已繁矣於是不變者彙萬

派而清流所以明尊卑之遠近也辨昭穆等降而殊所以明尊卑之次第也行吉凶慶吊之禮敦孝友媯睦任卹之行所以崇宗族之典禮也
默齋游氏曰宗法壞廢士君子無地以致其親睦之意獨有譜牒一事猶能稍合宗族而收其流散是以前輩多留意焉
可堂吳氏曰宗法壞而後譜作譜作而後族尊族尊則一族之人始有所統孝敬之心油然而生不致相視如塗人譜于世教大矣

衡才之古
宋景濂曰甚哉譜之難稽也君子當盡其心於所
不知信其心於所可知人有言曰三世不修譜爲
不孝苟世七修之其焉有不孝之失也君子慎焉
北溪陳氏曰凡作譜者不過爲祖宗重也人知重
乎祖宗則所存惟仁匪仁不存所行惟義而匪義
不行恐得罪於祖宗也

致堂胡氏曰譜牒身之根本也根本不明則顛倒
無據或妄委其姓冒人戶貫或妄以戶貫而混其
宗支何止托漢堦而冒姓劉以異種而附李屬籍

者耶

五峯胡氏曰甚矣譜之不可不作也譜牒作則昭穆有序而疏戚不遺百世之下猶足以知其一本而分殊譜牒不作則喜不慶憂不吊不以至親而相視如塗人者鮮矣

呂本中曰國無國之道而後國亂家無家之道而後家亂故禮樂綱紀者國之道也家法譜系者家之道也

蘓老泉曰大上立德其次立言其次立功譜牒者

亦立言之一端也又曰人家三世不修譜則同小人矣

王荆公曰余聞老泉論譜牒可知者續之其不可知者缺之此語極有病夫人不生於空桑豈無祖宗可知者固可續其不可知者必夜而思旦而求握髮捉影如今之人捕獸未有不可得者苟失其知而又安於不知其爲不孝大矣

乾隆六十年乙卯歲仲春月穀旦務本堂重刊

顯祖十勸

此顯祖修譜時所作老譜登載今仍重刊世世子孫恪遵勿替

一勸重天倫

勸族重天倫致身與竭力綱常君父尊恩並天無極報稱莫辭難各盡臣子職本立而道生鬼神欽至德

二勸睦宗族

勸族睦宗族源遠流自長文正置義田張公百忍

後
堂我願學前賢相期裕後昌于門容駟馬歷代繼
書香

三勸訓子孫

勸族訓子孫詩書起後昆龐公戒曠逸公綽訓安
敦放縱非家教良秀出德門養成瑚璉器榮渥照
乾坤

四勸務耕織

勸族務耕織辛勤在力田歷山居大舜莘野起名
賢祖業箕裘遠孫謀衣食先請看懶惰子窮廼有

誰憐

五勸戒賭博

勸族宜戒賭錢財非糞土
國家律令嚴犯者身
自苦孔聖惡小慧陶侃譬牧虜古今傾敗者歷
皆可數

六勸遵禮法

勸族遵禮法存養在瞬息衣冠必肅整淑慎爾之
德跬步不怠敬須臾防隱慝恂于鄉黨孔聖立
人極

七勸化氣質

勸族化氣質迺從善則吉溫匕詠恭人容止罕儔
匹寬厚常獲福急躁終有失聖賢在主敬中心所
無逸

八勸尚廉耻

勸族尚廉耻人禽分在此世上非義財瞞心終昧
己勿謂人不知十手所共指不爲所不爲方是有
爲子

九勸接宗祀

勸族接宗祀 祖先重血食不孝雖有三無後爲
大慝家有賢德妻此事當竭力撫姪當親在蒸嘗
从不息

十勸守家規

勸族守家規誥誥日星垂祠堂時修葺祭掃莫辭
推族黨宜雍睦奸盜切莫爲若不遵 祖訓法律
定相隨

乾隆六十年乙卯歲仲春月穀旦務本堂重刊

草對六十平之眼氣外昏以矇且錄木堂前抵

式琳制

卦對黨宜藥製我益財發善恭不殺 疎脂對林

懽對安參狀雷端日星垂風堂報多昔祭辭莫病

十懽字案財

八不京

大觀卷不覆外要北楚古成不...

懽對對宗脈 脈決重道金不...

敬亭祖務本堂修譜約言

重刊

余族自顯祖修譜後經兵燹殘缺止存卷首數

篇內載先世系出宋文定公之後發源於閩洪

武時祖德祥有文武才爲萬戶長奉調鎮守山

東濟南府後調茶陵嚴和寨永樂二年遷居湘潭

之坳柴嶺衡山橋以畊讀世其家厥後子姓繁衍

散居湘衡遂以德祥公爲始祖云雍正九年間

賴闔族房長同心協力共建宗祠每歲仲春集

遠近序昭穆隆禋祀肅冠裳所以尊祖而睦族

者固有其基矣而族衆曰猶未也譜牒不修無以垂久公議祠堂積穀爲鐫刻貲如有不繼量力捐助事半功倍無難告成是我族之義舉卽我祖之默佑有加而無已也特望各房共勦厥事乞將本房之祖宗子孫大小男女逐一查明毋假毋漏清填格冊并各親供單於明歲祭祠之日齊交執事轉交總管修譜之人另行騰清付諸剗劂他日譜成藏之宗廟散之各房垂諸久遠豈非孝子仁人千秋不朽之盛事哉爰頓首而爲之啟

四代顯祖修譜凡例

- 一 嫁娶務宜閑閱相當若非對偶必玷家聲寧娶樵夫之女必擇高門之壻凡此家禁昭族望也
- 一 冠昏喪祭合宜告祠俾家族通知得以慶吊相及禮固宜之義當敦之以認昭穆別親疎也然亦須稱家有無母爲鋪啜而責備太甚也
- 一 生子生孫每年以十月初旬無問少長咸集宗祠報名序派一以不失祭祀一以分別序次族內有齒德俱尊者逐一以六條訓之無致以強

凌弱以大壓小謹述聖言以勵後人無遊以戲

師時怕貧休浪蕩不愛富莫閑遊衣履氣衣如

一本子好學終成器下勤耕必有收少具風兼宗

一本子又述古詩為勸勉而責命太甚也

又紛七人事如投戲或買鋤頭或買書也然

田也要耕書要讀半為農夫半為儒而

掩卷便將鋤頭使鋤罷歸來又讀書也

勸我兒孫耕與讀莫將倉腹兩空虛

乾隆六十年乙卯歲仲春月穀旦務本堂重刊

敬亭祖修譜凡例

一 公議每房給譜例格冊一本親供單若干張擇
本房親支才力有餘者一人爲房長執冊分單
逐名清查彙交掌修面立結狀內云有遺漏濫
收咎在領查之人與掌修無涉

一 上自始祖下及元曾先錄其諱某字某號某及
妣姓有名號者下載生歿年月日時塋葬地名
山向有無墓田俱詳細開明俾子孫知所識守
或遠祖妣忘其姓者止書氏不必意擬生沒年

月忘者亦空不書闕疑其現在尊卑長幼男婦
子孫生庚年月俱填載入譜以備查考

一元配繼娶均屬敵體應同列大書下註某人之
女詳婦系所自出也雖無子不可遺至於妾之
有子者必書母以子貴也夫死而不嫁者無子
必書謂其從一而終也有子而嫁者亦必書蓋
天下無七母之人也無子而嫁者不錄以其非
吾家婦也

一母氏或元配繼娶側室子孫或前出後出嫡出

庶出務開註詳明俾編列不混

一異姓撫入及隨母之子各房房長不得徇情濫

收倘經查清定行斥出

一各房撫子必須註載係某人之子而出撫某人

名下亦必載第某子承繼某人所以重宗嗣不

得張冠李頂混亂支派

一子孫原不得出撫異姓今有出撫異姓者即宜
收入若其遷徙他邑或隨母出者或被兵擄去
者親房兄弟當爲代登以俟後歸合族

- 一 吾族子孫繁衍而絕房人丁不可不載今各房房長查於某代起至某代絕而未絕之先必一一開載明白倘有遺漏即係先代罪人定行公罰以存繼絕舉廢之遺意也
- 一 生女必書同本也其適某亦必載重姻也
- 一 子孫出家爲僧道者理與俗絕然必列明於譜冀其歸也死者則於父母名下書第幾子出家
- 一 祖宗功德及有詩文著述者宜詳傳錄以示子孫但有願刻者各自出費不得重支公項

一子孫雖幼穉命名必依行派不得以乳名綽號
濫入譜中

一垂絲圖倣歐陽氏五代一提之例父下載子兄
後及弟無傳者用一黑圈杜假冒也

一再提上一代必載某祖第幾子所以溯源而清
派也

一齒錄宗蘓氏本人名下書子幾女幾母氏下書
生男某女歸某及許聘某前出後出嫡出庶出
俱分別載明

- 一 祖宗名諱或品重成均而派與族殊或蜚聲巽序而冊非原名今於齒錄不必更易之只於名下朗註
- 一 齒錄內親族尊長名字履歷直書不諱者原欲昭示子孫以便查考非敢任意狂妄知我罪我尙其鑒諸
- 一 祠堂所存公譜外又立硃格二冊名曰長生譜
- 一 名曰如生譜每歲各房子孫將所生男女并新亡歿葬月日俱於三月初一日報明輪年房

長逐一填入以俟續修補叙

一修譜費用出自祠堂堆積之項凡我房長當明白傳知幸勿再派分釐至告成之日印刷譜牒或有不足首事者又當量捐可也

以上數條按諸古籍考諸世族乃一定成規祈各房房長發單時更加清釐然後編次填入格冊當更正者更正當補遺者補遺勿踈漏勿濫收共成清白家譜我等秉心忠孝切留遺憾是所望焉

乾隆六十年乙卯歲仲春月穀旦務本堂重刊

諸公講學共其精白素簡其於學以忠孝世
人益世當更五言更五言辭數皆辭數以類
推存其氣是尋單孤更賦制蠶絲外歸火賦
以十幾初姓商古辭意韻世楚江一室與賦
刻其心其首其其又當量其四百也
白詩賦幸於其所衣襪至昔與之日明師誦類
一對諸費用出自誠堂其辭之厚凡楚民其當也
是教一射人以射其射其珠

續修凡例

一自始祖至一字派合而成卷萬殊而一本也以
國字派提綱分房井然不紊一本而萬殊也其
國派之無後者概附親房有後者序列而提綱
必以長幼爲次其錄載譜邊仍以有後者標出
以便翻閱有後者固見積禩累葉無後者亦得
以有所附而并垂此皆恪遵老譜神而明之者
也

一自隆本派至國派不幸遽絕者世旣遠隔無親

支可附卽以國派繫絡胡興一之下或合本支
國派列爲一支不必另提

一祖宗之嘉言懿行藉詩書以著述宜付剞劂昭
示來茲第辭句之間疑竇易起在前作者出於
無意後之覽者謂其有心譖畧不刻非斬費也
與其揚祖德而或開罪於後曷若有隱德以聽
公論於人

一各房子孫有出外貿易遠遊未歸者值續修時
信不能達務于本名下載清往某處庶日後子

孫歸來可按譜而稽也

一齒錄下所載年月日時原憑墨冊墨冊誤則無從考核故老譜所載今間有更改者以墨冊未慎於始也爲之後者能徵其實無妨更易否則闕疑可也今之續修各房墨冊不深加詳核其咎安歸

一譜內名字及一切行文有違碍字樣理應恭避者續修俱加更正或音同字異或義同字異不得執老譜詫爲訛誤至本支親裔有徑犯祖父

名諱及占上下行派者務宜改換又同派同名
屬本支者不宜互混顯達者不更年長者不更
一吾族自丙寅年譜竣後所生俱係正字派以下
今續譜以國字派提綱分房者因國正兩派無
沒葬年月尙多也公議自國正以上均照老譜
並不增損其有墳墓扞改者則註明原葬某處
於某年改葬某處某山某向
一墳墓爲祖宗骸骨所終藏東遷西徙世遠年湮
雖知其地誌其向一山之內隣塚纍七苟無碑

謁一再傳登山而莫能認識者比比也故各房
祖墓或在私山或在公山或在別姓山內必自
繪圖列清塚數脩刊費以便登入俾墳墓得以
不混而孝思克展矣

一墳墓凡老譜之已刊圖者毋庸重繪惟老譜遺
漏及後葬者務請堪輿繪圖交譜館其圖後止
載都甲地名葬某祖某妣某山某向不必誇張
龍穴砂水之秀如無力備刊費者必於齒錄歿
葬下註清都甲山向

一各房墓田必須詳細開載將印契編入蓋書譏
不祀禮責無田山林蓄禁粢盛豐潔能備惟賢
無財難悅祭田所以重也雖齒錄註明契止一
紙子孫衆多數傳後莫知契落誰手有事時無
從查核茲登載各房墓田印契開卷了然免致
糾紛

一各房墳山禁長及墓田之公私立有合同者必
須刊入譜內庶有分無分前人定有成規後代
知所法守以免爭競以息訟端

一墳圖自始祖至本派以上皆查照老譜重鐫其絡
派以下間有扞改及附葬者不一若照老圖反致
錯誤遺漏既有老圖而老譜未廢班班可考無庸
重刊但續譜亦有重鐫者皆係自備刊費
一老譜有生子而載配氏者亦有無子而載配氏者
其生沒既不傳然在當年雖遺其姓或實有其人
概照老譜登載不敢任意刪去致令含怨九泉
一配娶不可混於無別今譜內已故曰配現在曰娶
未婚曰聘妻亡再娶曰續納寵曰庶女已嫁曰歸
未嫁曰字釐定分明所以重人倫也

衡主其古上系作方言
一同姓不婚禮在則然故婚禮有問名之條買妾不
知其姓則卜之避同姓也良以今日雖支分派別
原其受姓之初則一耳若修通譜而稱謂之間何
以別乎議自續修後當遵禮法不得因氣味相投
遂成秦晉之好

一老譜同姓異姓統曰撫子今自國派以上仍遵老
譜於國派以下同姓爲繼異姓爲撫稍爲分別一
目瞭然
一撫房乃無子而撫子歲時享其祭祀墳墓賴以掛
掃義不可絕亦不敢沒其所自出也另立撫譜昭

其辨存其先也而垂絲列於垂絲後齒錄歸於齒錄終親愛之也至所撫僅一代者不提均一體編序止於父下註撫子一母下註撫某姓之子某於本名齒錄上載某之撫子垂絲一然俟生育日繁後續始行提出

一撫房止祀其本支不得主有後各祖之祭不歆故也又不得爲房長當年蓋房長統率本房當年經理祠務不容混也

一續修係鑲盤各房冊齊卽行刷印自甲寅秋開盤至乙卯冬其中生者沒者葬者以及娶者聘者不

衡州府志卷之五 禮俗
乏柰譜已刷印不能添入因另立續增一卷分房
挨次編列俾陸續之生者沒者葬者以及娶者聘
者皆得登載譜內

一 祭祠各儀節俱照老譜而冠婚喪祭惟四禮時宜
簡而易行其服制各圖遵奉

大清律文願我宗人講習舉行

一 吾族由楚初遷於閩再遷於克三遷於茶陵嚴和
寨因播遷靡常致 德祥祖以前失其查攷今宗
文定公者照老譜遵四代 顯隆祖之原序也不
敢悖違並非冒妄

一各房冊頁到館之日詳細核定彙集繕寫分房編造其錯誤遺漏違碍之處逐一指駁交房長令其遍傳查覽改正交館復加核定至再至三始發刷印印後又將各房印冊分裝成本仍發房長傳送檢閱倘有訛謬令其標出送交譜館以便翻盤慎重之至今譜已成誤係自誤咎將誰歸


一吾族派衍湘衡族大丁繁續修綦重非一二人所能周知是以上年譜館掌修副修編次叅校擇派多人各掌各房冊頁易於覺察錯訛責有攸歸而垂絲本於齒錄係出一手甲寅臘齒錄方齊仍令

衡書古今事類方音
原手在梓房核對至慎至密族因所費浩大自乙卯春止留二三人在館辦理至冬底全譜始竣一一歷觀譜帙序跋皆乞言於名公鉅卿或夸大氏族之大或贊美撰修之賢祭統曰無美而稱之是誣也茲續修序跋並不敢辱名賢隻字

修譜凡例前人之述備矣彷彿山之軌範繼草澤之芳型負重無能慙握千鈞斑管了悟莫徹耻同一割鉛刃蜀犬見稀戊丁識淺雖是藏家私帙恒深三豕之訛本非問世各篇亦凜夏五之漏句斟字酌避忌恪遵崇實黜浮思慮頗苦

惟冀覽者統祈諒焉

乾隆六十年乙卯歲冬月務本堂續修所公刊



敬亭祖履歷奏摺

雍正二年九月二十六七日

吏部大

人欽遵

上諭公同挑選直省在京舉人三千餘人挑取二

百零一人十月初二日傳至

午門考畢至

太和門前後挑八十人十月初五日奉

旨宣進

乾清門考試摺子恭呈

御覽十月初七日齊集

乾清門

皇上頒賜乳茶克食謝

恩出十月初八日引

見蒙

皇上念天氣寒冷

命賜乾清門外大臣寓直房避風

頒賜乳茶克食羊脯

召進乾清宮西暖閣八人一班引

見

天顏和霽於八十人中

親擢六十六人

御手分籤發往五省笏發雲南補用
隆恩異數千載一時爰錄奏摺於左

臣胡正笏湖南長沙府湘潭縣人年四十
六歲由廩生中康熙五十三年甲午科本
省鄉試第八十六名舉人康熙五十四年
乙未科揀選知縣伏念臣三湘下士一介

寒儒幸忝科名詩書之薰陶尙淺欣沐

教化德澤之淪浹殊深常懷報國之心每念不

忘靖獻爰際遴才之會撫躬益効清勤慶

遂觀光榮逾稽古欽惟我

皇上

治隆泰運

道合離明

雅化旁流士子感非常知遇

湛恩時逮黎庶蒙再造洪慈

仲營祖修建宗祠用數碑

凡公舉一事其錢穀之度支出入必總之一人而後無紛紜留難之弊雖然賢愚不一此人者或信者半不信者亦半其信者以擇之得其人事不煩衆也亦得坐觀其成也其不信者以己意測其人事雖不煩衆也反謂其有所私也是雖有會計之編羸絀之數幾何不以為故紙空文粉飾耳目之具乎如此則勤勞不足惜而心迹更不得大白於一族矣家大人思 祖宗之功德念族姓之繁

衍歲辛亥書歸糾衆共建宗祠而族姓多寡捐費
其錢穀悉畀之衛是衛又不得辭其責而摠其成
焉辛亥仲秋以迄甲寅仲春稱銖較兩計費將近
四百餘金幸工匠不紛紜取與無留難矢公矢慎
半載聿觀厥成衛豈敢自以爲功哉抑賴族人之
力居多且以族人之信衛者而衛亦本始終公慎
無負族人之所信而已今將出入度支之數一一
縷晰詳書勒之譜牒此尊長輩所目擊者豈故紙
空文粉飾耳目哉後之興起者當亦鑒於是而無

怠於公舉之盛意乎

計開

一 窑匠共銀捌拾兩

一 各項利市二兩七錢

一 砌匠共銀壹百一十兩零二錢二分

一 鋸匠共銀叁拾兩零一錢六分

一 石匠共銀一十四兩五錢六分

一 搬大小木料共銀五十兩

一 買杉樹銀捌兩

一 修拘柴嶺大路銀一拾兩

一 木匠銀五十兩

一 石灰共銀一十五兩

一 砌階基銀貳兩六錢

- 一買水車銀壹兩六錢
 - 一打地基銀壹拾叁兩
 - 一打天井并搬土磚共銀肆兩貳錢二分五厘
 - 一買豬肉起首上梁共銀七兩四錢四分
 - 一買各項釘子鹽茶酒菜等物共銀壹拾四兩
 - 一買蔴子樹銀壹兩肆錢
 - 一拆失等面銀三兩
 - 一公所喫穀七十碩零二耳
- 以上共用四百壹拾捌兩九錢食穀在外未算
- 乾隆六十年乙卯歲仲春月務本堂重刊

祠規

一 祠堂之設乃

祖宗神靈所依輪年房長每月朔望日必親詣

堦前督率守祠人灑掃塵垢且勤加檢蓋免

致漏朽柱櫨

此條折衷諸家祠規

一 祠堂香燈輪年房長務動祠租買辦囑令守

祠人早夜奉祀毋得有闕

一 每年祭祠之後輪年房長率同衆禮生遵照

歷代齒序安置神主不得草率紊亂致令冥

冥之中有所不安也

一紫陽祠制惟始祖百世不祧外止祭四世但忠孝節義理學名儒或配享文廟或崇祀專祠自古迄今未有廢黜之者寧獨宗祠而不然乎嗣後凡我族內之鄉賢名儒鄉飲大賓以及誥命封贈及與勤勞宗祠者長享俎豆不得照常議祧非敢妄違先賢定制亦藉以激厲後人扶進人心焉耳

一宗子上奉

祖考下一宗族後來者或有不肖當遵橫渠先

生之說擇次賢者易之

此條遵浦江鄭氏家儀規範

一祠堂棹橈祭器以及動用諸物或公置或私

捐既已入祠俱屬祭器均當珍重輪年房長

於祭畢後務必洗滌潔淨眼同守祠人細心

檢點收藏一室違者罰捐失者賠補並不許

假借以致損失倘有不肖子孫向祠誑借許

守祠人經族處罰不得徇碍

此條酌參鄭氏家儀

後漢書
卷之五
宗族原屬一本不得因睚眦小忿輒興訟端
如有不平鳴知當年入祠理論

祖宗在上原被先備香燭於神位前叩頭自矢
降階赴中廳分東西坐下直訴情由在祠族
衆秉公剖斷不得徇礙偏袒處斷後違者以
欺 祖宗之罪示儆倘强悍不服合族攻擊
之此條照老譜遵武城堂宗範增改

一祭田正餉南漕輪年房長務必早完倘違定
限自有籤摘其公差臨鄉一切費用惟當年

一祠堂設立守祠之人原爲服侍早晚香燈勤掃房舍收拾棹橙照應四處屋漏以及前後左右山林竹木遇有公事通知各房信息難辭奔走之勞是以每年給谷拾碩以作工食倘因循怠惰性情高傲卽逐出另擇老成謹慎之人則去來原無定也至若本家子弟難於看守蓋以其中或有在兄長輩者或有在叔伯輩者且更有在祖輩者倘有踈懶當年脣祭無論畀幼皆可督責又謂得罪尊長又

全就家誼在族中貧乏不
嗣後總停外姓看守便於
人之善策也

之用若有餘項亦須存
飾墻圍或增置祭田卽
先糾集上下當年房長
族中各人吉凶事務以及老
人皆不得藉此開銷蓋以祠租所
幾若一開銷不惟不能供用而且易開

